

珍珠囊補遺藥性賦

元

真定

李

杲東垣原編

吳門

王子接晉三重訂

鄞縣

曹赤電炳章校點

卷四

木部

豈不以勞傷須桂肉。斂汗用桂枝。俱可行經破癖。炒過免墮胎兒。

桂味甘辛大熱有小毒。得人參熟地黃紫石英良。畏生慈。

五痔傷風稱槐角。瘡瘍殺疥羨松脂。

槐角實味酸鹹寒無毒。今處處有之。除熱氣。主火燒瘡。皮灌漱風疳齒。松脂、

味苦甘溫無毒。處處有之。道家服餌。輕身延年。松脂味甘溫無毒。可供果品。

葉與根白皮。味苦溫無毒。主辟穀不飢。松節漬酒治歷節風。

柏葉止血吐瀉。要安臟鎮驚。去殼取仁於柏子。枸杞益陽明目。退虛勞寒熱。須用其根地骨皮。

柏葉味苦微溫無毒。四時各依方向採取陰乾用。柏白皮主火燒爛瘡。枸杞味苦寒。根大寒。子微寒。無毒。處處有之。惟陝西四川出者最佳。

茯苓有赤白二種。赤者通利小便。白者可補虛定悸。乾漆有生熟兩般。生則損人腸胃。熟者通月水愆期。

茯苓味甘平無毒。多年松根之氣薰灼而生。有赤白二種。並除寒熱。止渴消痰。而赤者專主利小便分水穀。白者專補虛定悸。乾漆味辛溫有毒。須炒熟用。則無毒。去癥續骨殺蟲。除心氣止痛。

茯神則健志收驚。開心益智。琥珀則鎮心定魄。淋病偏宜。

琥珀味甘平無毒。是松脂入地中多年則化成。職掌虛煩。斂汗必須酸棗。性行通利。消浮當用榆皮。

酸棗仁味酸平無毒。安五臟除風痺。能堅骨補中。寧心定志。榆皮味甘平無

毒。性滑。通行大小便。消浮腫。治小兒白禿。下婦人胎衣。攻赤目。清頭風。堅齒輕身。蔓荊子。斂金瘡。除腰痛。治風桑上寄生枝。

蔓荊子。味苦辛。微寒無毒。通關竅。去寸白蟲。除筋骨中寒熱。桑寄生。一名寓

木。味苦甘平無毒。并治崩中補內傷。胎前產後皆宜用。

瀉痢有功。訶黎勒同名訶子。頭眩鼻塞。木筆花。乃是辛夷。

訶子。味苦溫無毒。開胃進食消痰。治崩漏及腸風下血。兼主貫豚冷氣。辛夷。

味苦辛溫無毒。處處有之。南人謂之迎春木。久服輕身耐老。二月開花。色白帶

紫。花落無子。至夏復開花。初出如筆。故北人呼爲木筆花。主頭眩鼻塞最良。

烏藥。主寬膨順氣。沒藥。主跌撲金瘡。血氣相攻。諸疹共理。秦椒能明目通喉。蜀椒

能澀精療癰。溫中下氣。風痺同醫。

烏藥。味辛溫無毒。處處有之。惟天台產者爲勝。俗名旁箕。主心腹痛。補中益氣。

攻翻胃。利小便。沒藥。味苦平無毒。按徐表南州記。生波斯國。是彼處松脂也。

破血止痛。爲產後最宜。推陳致新。理內傷良。秦椒。味辛。生溫熟寒。有毒。攻腹

痛祛風邪。溫中除痺。醋煎灌漱牙疼。蜀椒。去閉口者。味辛大熱有毒。出成都。

逐冷風。核名椒目。利水道。

牙痛乳癰。求莽草。腸風崩帶。索櫻櫚。

莽草爲臣。性有毒。味辛溫。善開喉痺。理諸瘡癩癰。櫻櫚性平無毒。止痢養血。

治鼻衄。用燒存性入藥。

巴豆破結宣腸。理心膨水脹。芫花消浮逐水。繫瘰疔當知。

巴豆味辛溫。生溫熟寒。有毒。生巴郡。故名巴豆。性急通利。因名江子。用去皮心。

膜及油。然後可畏。大黃黃連。芫花味辛苦溫。有小毒。治欬逆喉鳴痰唾。腰腹。

心痛。

木鼈治瘡瘍腰痛有准。雷丸殺三蟲寸白無疑。

木鼈子其形似鼈。故名。味甘溫無毒。治乳癰肛門腫及折傷。雷丸味苦鹹寒。

有小毒。白者良。赤者有毒。能殺人。

養腎除風石楠葉。漱牙洗目海桐皮。

石楠葉味辛苦平有毒。利皮毛筋骨病。海桐皮味苦平無毒。主痢除疥虱。治。

風痺痛。

牡荊子治雷頭乳腫。郁李仁蕩浮腫四肢。

牡荊子味苦辛無毒。卽黃荊。今官司用作筴杖。處處有之。主頭風目眩。郁李仁味酸平無毒。俗名唐棣。通關格。去浮腫。根皮治齒痛風蛀。

密蒙花總爲眼科之要領。蘇方木專調產後之血迷。

密蒙花味甘平微寒無毒。蘇方木味甘鹹平無毒。專能破血消癰及撲損。楮實補虛明目。葉洗疹風。樹汁塗癬疥。竹皮刮下止嘔。葉解煩躁。燒瀝禦風痰。

楮實味甘寒無毒。主塗水腫及陰痿不起。竹皮多種取皮止嘔吐者。南人呼爲江南竹。味辛平甘寒無毒。肉薄。今人取作竹瀝者。又謂之淡竹。其葉解煩除欬逆。今方中用淡竹葉。又是一種叢小葉。柔微有毛。其根生子如麥門冬。

檇白皮止痢斷疳。葉汁洗瘡除疥虱。胡桐泪殺風牙蛀。腹膨脹滿吐堪施。

檇白皮與椿白皮性同良。但檇木臭。椿木香。味苦有毒。檇木根葉俱良。南北皆有之。兩木最爲無異。俗呼作虎目樹。胡桐泪味鹹寒無毒。形似黃蠶。得水便消。如硝石也。

結胸散痞寬膨。逐水調風宜枳殼。煩悶通淋解熱。赤眸黃疸用山柈。

枳殼。味苦酸。微寒無毒。能攻痔瘻。消癥瘕。山梔。味苦寒無毒。生於山間者爲山梔。人家園圃種蒔者爲黃梔。形肥壯可染物。惟緊小者爲山梔。方可入藥。

檳榔。攻脚氣殺三蟲。宣通臟腑。厚朴乃溫中除霍亂。膨脹堪調。

檳榔。味辛溫無毒。生海南。向日曰檳榔。形尖如雞心者良。向陰曰大腹子。平坐如饅頭。檳榔下氣除風。宣利臟腑。逐水消痰破結。厚朴。去粗皮薑汁炒過。味苦溫無毒。須用中厚有紫油者佳。通經下氣。厚腸胃。消穀食。安腹中蟲。

猪苓。消渴利水。治傷寒中暑。龍腦清頭明目。主驚搐小兒。

猪苓。味甘苦平無毒。生土底皮黑作塊似猪糞。故名。治欬瘧。消腫利水。止遺精。龍腦。味辛苦微寒。一云溫平無毒。其香透頂。攻耳聾。消風氣。通九竅。卽梅花片腦。若服餌過多至兩許。則身冷如醉。氣絕而非中毒。蓋性寒故也。

明目涼肝解熱。毋遺黃蘗。磨藏下浮行經。休缺紫葳。

黃蘗。俗名黃柏。味苦寒無毒。除血痢。去黃疸。治癰瘡。祛脾胃熱。治女人熱崩。紫葳花。一名凌霄花。味鹹微寒無毒。處處有之。治風熱毒及癩症。

杜仲。堅筋補損傷。兼主腎虛腰脊痛。衛茅殺鬼。決經閉。陰人崩帶。也能醫。

杜仲、味甘辛平無毒。折斷多白絲。用薑汁和炒去絲。良。除風冷。強心志。衛茅、即鬼箭羽。味苦無毒。攻腹痛。破癥結。

癰腫癥瘕。憑虎杖。殺蟲。砥。痔。問蕪荑。

虎杖。俗名斑杖根。味甘平。微溫無毒。治傷損。消瘡毒。蕪荑。味辛平無毒。逐冷

除心痛。兼治皮膚骨節風。殺疥蟲。治癬。攻腸風。

蕪荑。搗膏點眼科。輒除熱赤。皂莢。爲末。搗鼻嚏。應釋妖迷。

蕪荑。味甘溫。微寒無毒。通結氣。鼻紅。皂莢。味辛鹹溫。有小毒。亦有數種。或長

至一二尺。惟如猪牙者良。消痰除嗽。散腫痛。去頭風。

沒石子。主痢生肌。染烏黑髭髮。益智子。瀦精益氣。止小便多遺。

沒石子。即無食子。味苦溫無毒。出西番。用有竅者良。治陰瘡。陰汗。益智子。味

辛溫無毒。安神定志。故謂之益智。

川練子。號金鈴。冷氣。膀胱能作主。五倍子。名文蛤。腸氣。五痔效。端殊。

川練子。味苦寒。有小毒。處處有之。蜀中者良。根皮最殺蛇蟲。五倍子。味酸平

無毒。除齒齲及瘡膿。亦可洗眼去風熱。

吳茱萸下氣消痰。提轉筋霍亂。山茱萸添精益腎。治風痺無疑。

吳茱萸味辛溫。大熱有小毒。處處有之。除欬逆。逐邪風。主脚氣攻心。山茱萸

一名石棗。味酸平。微溫無毒。療耳聾。調女人月水。

桑白皮瀉肺補虛益氣。大腹皮通腸開胃健脾。

桑白皮味甘寒無毒。卽桑樹根皮。利水道。消浮腫。殺寸白蟲。大腹皮卽檳榔

大腹子之皮。微溫無毒。專下氣分冷熱。攻心痛。

金櫻子冬青子。養精益腎輕身。調和五臟。蘇合香安息香。辟惡去鬼殺蟲。蠱毒消

除。金櫻子味酸澀平溫無毒。採實搗汁熬膏。久服輕身耐老。冬青子又名女貞

實。味苦平無毒。治病與金櫻子同功。蘇合香味甘溫無毒。油能辟惡除溫瘧。

久服令人不生夢。安息香味辛苦平無毒。辟邪煖腎止遺泄。

秦皮洗眼除昏。男子添精。婦人收帶下。黃蘗通喉豁痺。蛇傷取效。鬻馬是神樞。

秦皮味苦寒無毒。治風寒濕痺。黃蘗味苦平無毒。治惡腫。

苦菜主頭疼。痢生腹痛。同薑煎服。鈎藤蠲癩癧。兒生客忤。勝禱神祇。

苦菜，卽茶茗。味甘苦。微寒無毒。除痰下氣消宿食。鈎藤味甘苦平。微寒無毒。其形如鈎。故得名。舒筋活血。

止痛生肌。麒麟竭。舒筋展痺。五加皮。

麒麟竭，一名血竭。味鹹平無毒。除血暈。五加皮，味辛苦溫。微寒無毒。治風寒濕痺。止心痛。益精神。通疝氣。治陰瘡。小兒幼小不能行。服之良。

丁香，下氣溫中。能益脾止吐。沉香，調中順氣。療痛絞心腹。

丁香，味辛溫無毒。散腫除風毒。更治齒痛風牙。沉香，味辛溫無毒。療腫除風去水。止霍亂轉筋。壯元陽。辟惡氣。

檀香，藿香。止霍亂吐嘔。痛連心腹。乳香，楓香。專消風止痛。瘡毒流離。

檀香，性熱無毒。消風腫。腎氣攻心。藿香，味辛微溫。去惡消腫。治吐逆。乳香，味辛熱無毒。辟惡除邪。補精益腎。治諸瘡。攻血氣。楓香，是楓樹脂。卽白膠香也。治癰疹風。擦齒痛。去虛浮水氣。味辛平微有毒。

竺黃，理天弔。止驚風。更使清心明目。胡椒，能下氣逐風冷。兼除霍亂昏迷。

天竺黃，味甘寒無毒。生天竺國。故名。胡椒，味辛溫無毒。去痰止痢。治心腹卒

然作痛。

此木部之藥性。爲後學之繩規。

人部

看方猶看律。意在精詳。用藥如用兵。機毋輕發。草木之性既陳。人物猶宜立訣。律法度也。齊之以刑。用藥猶用兵。謂醫者乃人之司命。

天靈蓋。最主傳屍久病。虛勞熱蒸在骨。

天靈蓋。乃死人頂骨十字解者。此骨是天生蓋壓一身之骨節。陽人用陰。陰人用陽。味鹹平無毒。主傳屍鬼疰人。

熱病乃陽毒發狂。當求人糞汁。打撲損傷并新產。快索童男溺。

人糞。一名人中黃。性寒無毒。專治天行大熱。勞氣骨蒸。燒末調服。解諸毒。爲末湯調。治熱病發狂。絞糞汁飲之。童男溺。童子小便也。女子者不宜用。主寒熱虛勞。頭疼濕氣。

乳汁有點眼之功。視襠救陰陽之易。

婦人乳汁味甘平無毒。能安五臟悅皮膚。昔張倉常服。享壽百餘歲。衍義云。乳汁治眼之功何多。蓋人心主血。肝藏血。肝受血則能視。婦人之血。上爲乳汁。下爲月水。用以治目。不亦宜乎。裨襠。卽裨褲之當陰處。翦取方圓六七寸許。燒爲末服。男子病新瘥。而婦人與之交。則男病陰易。女人病新瘥。而男子與之交。則女病陽易。小腹絞痛。手足攣。目中生花。頭重不能舉。若不急治。則死。男子病用婦人裨襠。女人病用男子裨襠。以水調服。

調諸淋。破瘀血。亂髮元來卽血餘。止吐衄。理肺痿。漩垢便是人中白。血餘。乃常人亂髮燒灰。味苦微溫無毒。治癰疽及轉胞。人中白。卽尿桶中澄底垢積之結白者。火上燒灰。最治緊脣及勞熱傳屍。圖經衍義無虛。醫者可知端的。

禽獸部

蓋言走者屬獸。飛者屬禽。

禽屬陽身輕。故能飛而上。獸屬陰身重。故能走而不能上飛。

鹿角煎膠補瘦羸。又安胎止痛。麝香辟邪而通竅。安客忤癩驚。

鹿角味苦辛。依法煎煉成膠及霜入藥用。止泄精遺尿。麝香味辛溫無毒。攻

風。主墮胎救產難。

安魂定魄。牛黃治風癩驚熱。生肌止汗。龍骨止洩痢遺精。

牛黃味苦平有小毒。除狂躁。治天行時氣。龍骨味甘平微溫無毒。治女子崩。

止小便遺瀝。療陰瘡。龍齒鎮驚治癩癩。

牛乳補諸虛。益氣通腸。須求羊酪。獺肝開熱脹。傳屍勞嗽。有驗堪憑。

牛乳味微寒。性平無毒。止渴。獺肝爲君。味辛溫有毒。凡人素有冷氣虛膨者。

此二味皆不宜服。

象牙出肉中之刺。熊膽醫痔痢之靈。

象牙味甘平無毒。生煮汁飲之。利小便。燒末止遺精。磨屑傅肉中刺。凡骨鯁者。

磨水服卽下。更祛勞熱止頭痛。熊膽味苦寒無毒。然難分真僞。取一粟許滴

水中。一道如線不散者爲真。治天行熱症諸疖。惡防風。地黃。

羚羊角明目去風。可保驚狂心錯亂。腥膈臍溫中補腎。何憂夢與鬼交精。

羚羊角。味鹹性寒無毒。可活胎易產。益氣安心辟邪。腥膻臍。味鹹性熱無毒。主驚癇。消宿血。除疔瘵氣。

阿膠。止血安胎。兼除嗽痢。犀角涼心解毒。殺鬼聞名。

阿膠味甘平微溫無毒。出阿縣城北。井水煮取烏驢皮。以阿井水煎成膠爲真。須用一片鹿角同煮。不爾不能成膠也。養肝虛勞極。止四肢酸疼。犀角味苦

酸鹹寒無毒。驅風明目。除心熱狂言。又治時行疫癘。

鹿茸益氣補虛。男治洩精。女止崩漏。虎骨驅邪辟惡。男去風毒。女保胎驚。

鹿茸用茄形連頂骨者。味甘酸溫無毒。一云味苦辛。虎骨性平味辛。微熱無毒。治惡瘡及風痺拘攣。

兔頭骨主頭疼。和水燒灰催產難。牛角腮治崩帶。燒灰入藥效如神。

兔頭骨味甘平寒無毒。治頭昏痛。兔骨治熱中消渴。肉不可多食。損人陽氣。孕婦食兔肉生子缺唇。不可與雞肉及生薑同食。牛角腮味苦甘無毒。消血閉便血。攻冷痢。

瓦雀肉則益氣。卵則強陰。白丁香療潰癰疔腫。雄雞烏者補中。赤者止血。黃臍脰

止遺尿難禁。

瓦雀肉味甘溫無毒。雀糞直立者名白丁香。雄雞肉味甘溫無毒。烏者補中止痛。赤者止血治崩。諸雄雞膽微寒。主目不明。心主五邪。血主損傷。肺主耳聾。腸主小便數不禁。肝及左翅毛主陰痿不起。冠血能行乳汁。

蝙蝠經名伏翼。能開黑暗目瞑。

伏翼即蝙蝠別名。味鹹無毒。主淋目昏。久服則忘憂。糞名夜明砂。可治疳。

藥是伐病之斤。醫實司人之命。

言醫藥之治病。猶斧斤之伐木也。

蟲魚部

抑又聞蠹者為蟲。潛者為魚。堪行入藥。貴賤何拘。

蠹動也。潛伏藏也。

全蠹有毒。須當去。能透耳聾。療諸風驚搐。蟹螯即斑也熟炒不宜生。通淋墮孕。宣療癰之疵。

全蠍。宜緊小者佳。味甘辛。須去毒方可用。蟻蝨。去足翅。以米同炒。至米黃色去米。若生用。即令人吐瀉。味辛寒。有大毒。

消水氣。去癭瘤。無如海蛤。安心志。磨翳障。大喜珍珠。

海蛤。味苦鹹平無毒。治浮腫。除欬逆。定喘消煩。珍珠。味寒無毒。出廉州。主潤

澤皮膚。悅人顏色。綿包塞耳。可治聾。

水蛭。治癰疽。通經破血。田螺。去目熱。反胃堪除。

水蛭。即螞蝗。生水中。名水蛭。生草中。名草蛭。生泥中。名泥蛭。並能著人及牛馬股脛間。啣血。入藥。當用水蛭之小者佳。此物極難得死。雖炙過經年。得水猶可活。必炒令極黃熟。不爾。入人腹。生子爲害。田螺。性大寒無毒。不可多食。其肉。傅熱瘡。殼。主反胃。汁。能醒酒止渴。田中取者爲佳。

鼠婦。通月閉。利便癰。仲景將來醫久瘧。蝨蟲。破堅癥。磨血積。傷寒方內。不曾無。

鼠婦。味酸溫無毒。生人家地上。處處有之。蝨蟲。名土鼈。味鹹寒有毒。處處有之。

搜癭癧驚風。明目去毒。稱蛇蛻。止喎斜口眼。墮胎點翳。捉衣魚。

蛇蛻。味鹹。苦平無毒。主纏喉風。攻頭瘡癩癰。衣魚。味鹹溫無毒。處處有之。多見於書卷中。小兒淋閉。用以摩臍及小腹。溺即通。仍可摩瘡。

出箭頭入肉。醫附骨鼠瘻。蛻蝦便是推車客。補打撲損傷。療兒疳昏眼。蝦蟆本草。即蟾蜍。

蛻蝦。味鹹寒有毒。療兒驚癩癰風癩。臨用當炙過。勿置水中。令人吐。入藥去足翅。蝦蟆肉。味辛寒無毒。主邪氣堅癥惡瘡鼠漏。

殺伏屍鬼。疰三蟲。地龍俗名蚯蚓。正風賊斜。啞肚脫。蝸牛本是蛞蝓。

地龍。味苦無毒。須用白頸者良。傷寒狂熱。須用汁。治痢消丹毒。用糞。蝸牛。俗名蜞螺。處處有之。生砂石垣牆下濕處。亦治背疽。用涎塗抹。

蟪蛄。點眼翳雜科。割金瘡。出肉中刺。蛤蚧。傳屍。堪止嗽。兼補肺邪。鬼咸驅。

蟪蛄。味鹹甘有小毒。處處有之。以背行。反馱於脚。即朽木中蠹蟲。但潔白者佳。蛤蚧。一名守宮。功力全在尾梢。人捕之。即自咬斷其尾。用以法取之。行常一

雌一雄相隨。入藥亦當用成對者良。

牡蠣。固漏血遺精。補虛止汗。蝨蟲。破癥瘕血積。經閉通渠。

牡蠣、味鹹平微寒無毒。主瘧疾寒熱。除驚恐。蝨蟲、味苦微寒有毒。啗食牛馬背血者用。須炒熟。除去足翅。方可入藥。

鰻鱺魚退勞熱骨蒸。殺蟲愈痔。石龍子除熱淋止血。蜥蜴殊途。

鰻鱺魚味甘有毒。處處有之。雖有毒而能補五臟虛損。消項顛白駁風熱。煨骨熏蚊虱則滅。石龍子與蜥蜴蟻蛭螻守宮五種相近。

烏賊骨是海螵蛸。退翳殺蟲。治崩攻疔。鱧鯉鱗爲穿山甲。堪醫瘡癬。鬼魅遭鋤。

海螵蛸味鹹微溫無毒。療陰瘡。治耳聾。其血似墨。能吸波噴墨以溷水。所以自衛。有八足聚生口旁。浮泛於水面。烏見謂其必死。欲啄之。則聚足抱烏。拖入水中食之。故名烏賊魚。穿山甲性涼有毒。主邪驚治癩。

勞熱骨蒸專鼈甲。脫肛狐臭尙蜘蛛。

鼈甲味鹹平無毒。處處有之。治崩療瘧。主癰瘻疔癬。不可與雞子同食。合莧菜食則傷人。蜘蛛性冷無毒。處處有之。然多種。身有毛刺及五色并薄小者。並不可用。療癰背瘡。蛀牙兼治口斜。偏喜忘者。取網著衣領中。

蟬退消風。斷小兒夜哭之鬼。蝟皮生痔。提腸風下血之徒。